

聖
門
志
四



聖門志
(四)

田景蕙輯

王雲五主編
叢書集成初編

聖 門 志
四 冊

中華民國二十五年六月初版

纂輯者 呂 元 善

發行人 王 雲 五
上海河南路

印刷所 商 務 印 書 館
上海河南路

發行所 商 務 印 書 館
上海及各埠

大

叢書集成

初編

主編者
王雲五

商務印書館發行

聖門志卷之四

禮樂

敍曰。先王制禮作樂。所以通神明。正情性。合和邦國。而祖洽黔黎者也。自姚姒子姬之裔。尙或樸而不文。或文而不慙。非夫子折衷而定之。曷繇令經曲律呂。洋洋纚纚。萬世率由而無弊乎。以故上肇炎漢。下暨勝國。代有愆祀。以隆報稱。明興恪共。愈篤禮備。四代樂用八佾。崇儒重道之典。猗歟休哉。昭天地而超今古矣。用是標祀典於首重玉帛。祝嘏之遺告也。而章服祭期。皆禮之大者。故分類而記之。至於禮器樂章。懼其散佚也。爰稽其典制。撫其顛末。俾俎豆之司。鼓鼗之吏。有所尋而守焉。

祀典

漢

高帝十二年。過魯。以太牢祀孔子。詔諸侯王卿相至郡。先廟謁而後從政。此漢以下祀孔子之始。亦新官到任謁廟之始。元帝初元

元年。詔褒成君孔霸。以所食邑八百戶祀孔子。

光武建武五年。帝過闕里。使大司空以太牢祀孔子。

明帝永平十五年。東巡至魯。詣闕里宅廟。祀孔子及七十二弟子。此後世祀孔子弟子之始。時帝升廟西而立。羣臣中庭北面。皆再拜。帝進露而後坐。章帝元和二年。東巡狩。過魯。詣闕里。以太牢祀孔子。作六代之樂。大會孔氏男子年二十以上者六十三人。因拜脩。

郡中。并賜孔氏男女
金帛。僖從還京師。

安帝延光三年。自泰山過魯。祀於闕里。

桓帝元嘉二年。詔春秋享禮。出王家錢。給大酒。河南尹給牛羊豕各一。大司農給米。
靈帝建寧二年。詔祀孔子。依社禘。出王家穀。春秋行禮。

三國魏

齊王正始二年。帝講論語。使太常釋奠。以太牢祀孔子於辟雍。漢以來釋奠之禮。始見於此。前此皆祀孔子於闕里。至是始行太學。

晉

武帝泰始三年。詔魯國四時備三牲祀孔子。

七年。皇太子講經。親釋奠於太學。此太子釋奠之始。

東晉

元帝太興二年。皇太子親釋奠先聖於太學廟。

明帝太寧三年。詔奉聖亭侯孔嶷。四時祀孔子。如泰始故事。

成帝咸康元年。帝親釋奠於辟雍。

穆帝升平元年。親釋奠如故事。權以中堂爲太學。

武帝寧康三年。帝親釋奠於中堂。以顏子配享。

南宋

文帝元嘉二十二年，釋奠孔子，牲牢祭器，悉依上公之禮，舞六佾，設軒懸之樂。

北魏

太武始光三年，起太學于城東，祀孔子，以顏回配。

太平眞君十一年，車駕南伐，至鄴山，以太牢祀先聖。

顯祖皇興二年，遣中書令高允以太牢祀孔子。

孝文帝延興二年，詔孔子廟有婦女合雜巫覡淫祀者，禁之。有司廟享

孝文帝太和十六年，詔宣尼廟別勅有司享薦之禮。始此。

孝文帝太和十九年，帝如魯城，祀孔子。改封二十八世孫孔續爲崇聖侯，拜孔氏四人，顏氏二人官，此顏子錄後之始。

南梁

武帝天監八年，皇太子釋奠先聖。自司議禮云：先師在堂，義所尊敬，太子宜登阼階，以明從師之義。若釋奠事訖，太子升堂，則宜從西堂，以明不由阼階之義。

北齊

文宣帝天保元年，令魯郡以時修葺廟宇，遣使致祭，又制春秋二仲行禮，每月朔行禮。祭酒領博士及國子諸

事。拜孔聖。持顏子。此後世朔日行禮之始。

是年，詔將講於天子，先定經於孔父廟，講畢，釋奠，行三獻禮。

陳

宣帝大建三年。皇太子釋奠先師。祭酒以下。禮學。設金石之樂。
後主至德三年。釋奠於先聖。會宴王公卿士。

隋

文帝初。詔國子寺。每歲以四仲月上丁。釋奠于先聖先師。州縣學以春秋仲月釋奠。此郡縣二仲釋奠之始。前此元魏雖命有司。祇享。然未名爲釋奠。亦無定時也。

唐

高祖武德二年。詔國子學立周公孔子廟各一所。自曹魏釋奠孔子於辟雍後。至元魏始有廟。然不知其何時立也。至是。高祖始詔國子立廟。

高祖武德七年。帝詣國子學。釋奠于先聖先師。以周公爲先聖。孔子爲先師。配。

太宗貞觀二年。左僕射房玄齡等議。武德中。詔釋奠于太學。以周公爲先聖。孔子配享。臣以爲周公。尼父。

俱稱聖人。庠序置奠。本緣夫子。故晉宋梁陳及隋。皆以孔子爲先聖。顏回爲先師。別祀周公。請停周公。升。

孔子爲先聖。以顏回配。從之。至是始定以孔子爲先聖。顏子爲先師。高宗永徽中。復聖周。公。師孔子。顯慶二年。乃以周公配武王。而孔子爲先聖。

太宗貞觀四年。詔州縣皆立孔子廟。此後世郡縣立文廟之始。

太宗貞觀十四年。帝釋奠於國子學。詔祭酒孔頴達講孝經。

太宗貞觀二十年。詔皇太子於國學。釋奠於先聖先師。皇太子爲初獻。國子祭酒爲亞獻。司業爲終獻。禮舊

• 釋奠以博士自爲祭主。至是。中書侍郎許敬宗等奏。祭先聖先師。秦漢無文。魏則以太常行事。晉宋以學官主祭。請自今國學釋奠。令祭酒爲初獻。• 釋奠皇帝某道某官。司業爲亞獻。博士爲終獻。州縣以守令爲初獻。丞佐爲亞獻。博士爲終獻。無博士。以主簿代之。此後世國學遣官釋奠之始。前此蓋學官自祭也。而州縣以守令主祭亦始於此。

太宗貞觀二十一年。詔以左丘明。卜子夏。公羊高。穀梁赤。伏勝。高堂生。戴聖。毛萇。孔安國。劉向。鄭衆。賈逵。杜子春。馬融。盧植。鄭康成。服虔。何休。王肅。王弼。杜預。范甯。二十二代人。代用其書。垂於國冑。自今有事於太學。並令配享尼父廟堂。此後世以先儒配享孔子之始。太宗詔以諸儒從祀孔子。皆其有功於聖人之經者也。卜子夏。堂生。戴聖。有功於禮。上輔綱。有功於詩。左丘明。穀梁赤。公羊高。有功於春秋。伏勝。孔安國。有功於尚書。高諸經者。何休。杜預。范甯。則又有功於三傳者。然子夏在十哲之列。即此又列之者。是時七十二子雖列像廟堂。未得享祀。惟子夏以有功於時。得在從祀之列。

高宗顯慶三年。文宣王廟。詔用宣和之舞。國子博士范預撰樂章。

高宗乾封元年。封禪還京師。車駕過曲阜。祠廟。祀以太牢。

高宗總章元年。贈顏回太子少師。曾參太子少保。並配享孔子廟。此後世追贈孔門弟子之始。而以曾參配享亦始於此。按。文獻通考。高宗總章元年。新唐書。睿宗太極元年。俱稱顏子曾子配享。則曾子已配孔子矣。而玄宗開元八年。李元瓘又以曾子不預配享。記爲請。二十七年。孔子正南面。獨以顏子配。而曾子不與焉。至宋度宗咸淳三年。始以曾子子思並顏子孟子配享。其舉其廢。不可詳考。結記於此。

睿宗太極元年。皇太子開講筵。親釋奠。加贈顏回太子太師。曾參太子太保。皆配享。

玄宗開元七年。皇太子齒胃於學。謁先聖。詔三獻皆用胃子。

玄宗開元八年。司業李元瓘言。孔宣父廟。顏子配。其像立侍。請據禮文。合從坐侍。又四科弟子。閔子騫等。

雖列像廟堂。不預享祀。而范甯等皆露從祀。請列享在二十二賢之上。七十子者。則文翁之壁尙不闕如。豈有國庠遂無圖繪。請圖形於壁。兼爲立贊。曾參以孝受經於夫子。請享之如二十二賢。乃詔顏子等十哲爲坐像。悉預祀。曾參特爲墀像。坐十哲之次。圖七十子及二十二賢於廟壁上。以顏子亞聖。親爲製贊。書於石。閱損以下。令當朝文士分爲之贊。題其壁。

玄宗開元十三年。封禪廼詣孔子宅。親設奠祭。又遣使以太牢祀墓。

玄宗開元二十七年。詔追謚孔子爲文宣王。先時孔廟以周公南面。而夫子坐西嚮下。貞觀中。廢周公南面。而夫子位未改。至是。二京國子監。天下州縣。夫子始被王者袞冕服。兩京樂用宮懸。追贈顏子爲兗公。西向配。閔子騫。冉伯牛。冉仲弓。宰我。端木子貢。冉

有。仲由。言子游。卜子夏。九人爲侯。曾參等七十三人爲伯。不及十哲。十哲直取陳蔡一時與難之賢。非孔門定論。自開元迄今。無敢議者。夫有若之言。四見於論語。大類聖人。而公西赤志於禮樂有爲邦之才。其爲言諒政事不優於宰我冉求乎。我求言行。不必徵諸史傳。論語中多有之。視二子優劣何如。宜進祀二子於殿上。改求我廡中。東西列侍。文宣之謚始此。亦孔子封王弟子封公侯伯之始。按鄭曉日。近世多議從祀諸儒。而

玄宗開元二十八年。詔春秋二仲月上丁。祭文宣王。以三公攝事。

肅宗上元元年。歲早。罷諸祀。惟太學仍祀文宣王。德宗貞元二年。釋奠。詔自宰臣以下。畢集於國學。每年

春秋釋奠。視板御署訖。北面而揖。

宣帝大中元年。宰臣曰白敏中。請賜百縑充享祀。

明宗長興二年復文宣王廟祀。時朱梁喪亂。廟祀遂廢。故復之。

後周

太祖廣順二年親征至兗。詣廟再拜。左右曰：「天子不當拜異代陪臣。」帝曰：「夫子聖人也。百王取則。安得不拜。」登墓復拜。按周太祖親征慕容彥超。至兗州城。將破。夜夢一人。狀甚魁異。被王者服。城陷。取委巷入。夫子朝躬詣闕里拜奠。詔留所寢。以西器及闕於廟中。又詣聖林拜墓。勅所屬查祠宇禁樵採。

宋

太祖建隆中三幸國子監。詔祭文宣王。用一品禮。立十六戟於廟門。

太宗端拱元年幸國子學。謁文宣王。

時博士李覺方案徒諸書。上即詔覺。令對御講。曰：「陛下六籍在御。臣何敢列坐。覺乃述天地感通。君臣相應之旨。上甚嘉之。賜帛百疋。

太宗淳化四年從監軍使請。聖廟六衙朔望焚香。

真宗大中祥符元年東封如曲阜縣謁文宣王廟。

內外設黃麾仗。上服禪衣。詣廟行酌獻禮。初。有司定儀。止遂如孔林。以樹木擁道。降輿乘馬。至文宣王墓。其拜。加誥曰：「玄聖文宣王。追封父叔梁紇齊國公。母顏氏魯國太夫人。妻元官氏齊國夫人。二年。賜文宣王廟額主一。令就廟立學。預養孔氏子孫。封弟子克公顏回爲齊國公。魯侯閔損等九人爲公。鄭伯賢參等六十二人爲侯。追封先儒魯史左丘明等二十一人爲伯。內王肅故國隰平侯。贈司空。杜預故當陽侯。贈司徒。此從祀諸儒有封爵之始。

真宗大中祥符七年王旦言請用先天節禮畢詣文宣王廟行禮。

真宗天禧元年判國子監孫奭言釋奠舊禮以祭酒司業博士爲三獻。新禮以三公行事。近年只差獻官。

二員通攝。未副崇祀嚮學之意。望令備差太尉、太常、光祿卿以充三獻。可。又詔崇文館雕印釋奠儀注及祭器圖頒行下諸路。

仁宗初卽位。幸國子監。奠謁先聖。退闕七十二賢贊。觀東序禮器。舊儀肅揖。

仁宗天聖二年。幸國子監。謁先聖。按元中已用登歌。後廢。宋復用之。

仁宗景祐元年。詔釋奠用登歌。按元中已用登歌。後廢。宋復用之。

仁宗慶曆四年。幸國子學。謁先聖再拜。

神宗元豐六年。追封孟軻爲鄒國公。

神宗元豐七年。詔以孟軻配食孔子。位次顏子。荀況、楊雄、韓愈並封伯從祀。此孟子配享孔子之始。

哲宗元祐六年。幸國子監。謁先聖。行釋奠禮。一獻再拜。按帝燕祭酒豐饌講無逸。終篇乃還。或曰。祖宗視學。吾欲天子時幸焉。金爵之資。後日何可繼也。聞者乃服。

徽宗崇寧元年。詔追封孔鯉爲泗水侯。孔伋爲沂水侯。

徽宗崇寧三年。以王安石配享孔子。位次孟軻。詔辟雍文宣王殿名曰大成。帝謁文宣王殿。

徽宗大觀元年。大司成強淵明言。考禮經。士始入學釋菜。請自今每歲貢士始入辟雍。並以元日釋菜於

先聖。從之。按漢以來釋菜之禮。始見於此。大始教繁榮。禮之以簡爲貴者也。南朝宋齊以來。適以釋奠行之。幾於重

之義。至宋大觀中。始定貢士釋菜之儀。國朝因之。每進士釋褐。及國學朔望日。俱行釋菜禮。正合始教繁榮

之義。至宋大觀中。始定貢士釋菜之儀。國朝因之。每進士釋褐。及國學朔望日。俱行釋菜禮。正合始教繁榮

徽宗大觀二年，詔躋于思從祀。按宋史，從通仕耶侯孟請也。

徽宗大觀四年，文宣王改執鎮圭，廟門增立二十四戟，並如王者之制。按周禮，小行人，成六端，王用鎮圭，公

用圭，男用

是年，孔子弟子公夏首、后處、公肩定、顏祖、鄒單、罕父黑、秦商、原亢、樂欬、廉潔十人贈侯爵，從祀。

徽宗政和元年，曾參、顓孫師、南宮縉、司馬耕、琴張、左丘明、穀梁赤、戴聖八人，以封爵犯先聖諱，悉改正。

徽宗政和三年，追封王安石爲王，復封安石子雱爲伯，從祀孔子廟庭。

徽宗政和五年，詔鄒縣孟子廟，以樂正子配享，追封侯。公孫丑、萬章、浩生不害、孟仲子、陳臻、充虞、屋廬連、徐辟、陳代、彭更、公都子、咸丘蒙、高子、桃應、盆成括、季孫子、叔疑十七人從祀。

徽宗政和六年，賜堂上正聲大樂一副，禮器一副於闕里。

徽宗宣和四年，車駕幸太學，奠謁先聖。

欽宗靖康元年，罷王安石配享孔子，猶從祀廟庭。

南宋

高宗建炎二年，金粘沒喝入襲慶府。

即今之兗州府。

衍聖公孔端友已避敵南去，軍士欲發孔子墓者，粘沒喝問

其通事高慶裔曰：孔子何人？曰：古之大聖人。粘沒喝曰：大聖人墓安可發？遂殺軍士，於是獲存。

高宗紹興十年，詔文宣王殿與大社大禩並爲大祀。

高宗紹興十四年，國學大成殿成，帝謁孔子，止輦於大成門外，入幄，羣臣班列於庭，帝出幄，升東階，跪上

香執爵三祭酒再拜。羣臣皆再拜。帝降入幄分奠從祀如常儀。遂臨太學。孝宗淳熙四年幸太學謁奠孔子去王雱畫像。寧宗慶元間定祀令文宣王爲中祀。

理宗寶慶三年詔贈朱熹太師追封信國公。紹定三年改封徽國公。

理宗淳祐元年帝謁孔子遂臨大學詔追封周敦頤汝南伯張載郛伯程顥河南伯程頤伊陽伯與徽國公朱竝從祀孔子廟庭黜王安石從祀。此周程張朱從祀之始先是慶元中著作郎李道傳請下詔崇正學取之說而四書之名則始于宋焉。朱熹論語孟子集註大學中庸章句或問頌之太學雖孔孟之時已有六經

理宗景定二年詔追封張栻呂祖謙爲伯從祀孔子廟庭。

度宗咸淳三年帝詣太學謁孔子行釋菜禮以曾參孔伋並顏回孟軻配享升顥孫師於十哲列邵雍司

馬光於從祀。按是年正月十五日御筆邵雍天挺人豪英雄蓋世司馬光有德有言有功有烈朱熹贊之與周

之每爲時儒宗茲豈前代諸儒或以章句文詞得祀于學者比朕將臨辟雍因思朱熹所著已祀其四而尚遺雍光非缺與其令學宮列諸從祀以示崇獎二月升曾參封鄆國公孔伋封沂國公配食大成顥孫師封陳國公升十哲此顏曾孟柳享之始又詔泗水侯以先聖爲之父以子思爲之子而聞詩禮周南召南

遼

太祖神册三年建孔子廟次年落成躬謁祭奠。

金

熙宗皇統元年帝親祀孔子

退謂侍臣曰朕幼年不知志學歲月過邁深以爲悔孔子雖無位其道萬世景仰凡人爲善不可不勉

世宗大定十四年釋奠先聖詔依禮官議依開元禮合行祭器禮料羊三豕三酒二十瓶奏登歌雅樂

章宗明昌二年孔子廟門置下馬牌

章宗明昌四年親釋奠先聖諭旨宣徽院曰朕以宣聖萬世帝王之師恐汝等未諷可備拜禱朕將拜焉章宗承安二年春丁親祀孔子以親王攝亞終獻皇族陪祀文武羣臣助奠

元

世祖至元詔春秋二丁執事官員各依品序穿着公服陪位諸儒衣欄衫戴唐巾行禮成宗大德初勅到任先詣先聖廟拜謁方許以次詣神廟著爲令

成宗大德十一年制加孔子號曰大成

武宗至大元年詔集賢學士王德淵依舊例致祭

牲加太牢，欽齋制祠香祝文酒合用祭物，對於孔林行禮，因加封大成證號故也。

武宗至大四年詔以銀幣詣闕里祀孔子

仁宗初卽位遣宦者李邦寧釋奠於孔子邦寧既受命行禮方就位忽大風起殿上及兩廡燭盡滅燭臺底鐵鐫入地尺許無不拔者邦寧息悚伏地諸執事者皆伏良久風息乃成禮邦寧因慚悔累日

仁宗皇慶二年以許衡從祀孔子

仁宗延祐三年追封孟子父孟孫氏爲邾國公母爲邾國宣獻夫人

仁宗延祐七年，詔以白金一百五十兩，錦綺雜綵表裏各一十三段，遣說書王存義詣魯，以太牢祀孔子。仁宗手香加額以授之。

文宗至順元年，加封孔子父齊國公叔梁紇爲啓聖王，母魯國太夫人顏氏爲啓聖王夫人，顏子克國復聖公，曾子邲國宗聖公，子思沂國述聖公，孟軻鄒國亞聖公，河南伯程顥豫國公，伊陽伯程頤洛國公，是年始以漢儒董仲舒從祀。

順帝元統三年，封顏子父無繇爲杞國公，諡文裕。

皇明

洪武元年，太祖高皇帝登極，幸太學，行釋奠禮。按：登極詔內一款：孔子曲阜廟庭，遣使致祭。其襲封衍聖公，并世職知縣，俱如歷代舊制，仍免孔氏子孫差。

洪武二年十二月二十日，遣國子祭酒孔克堅代祀宣聖。回京，太祖高皇帝作詩以遣之。

詩 孔氏曾孫祭祖回。

但言農務野荒開，必歸春風每歲來。

洪武四年，令進士釋褐詣國學，行釋菜禮。禮部更定釋奠孔子祭器禮物。初，孔子之祀，像設高座，而器物陳於座下，弗稱其儀。其來已久，至是定擬，各爲高案，其豆簋簠簋，悉代以磁器。按：新賦謂：古者坐于席，故之像，既以輿然于上，而列器皿於地，使鬼神不享，則不可知。若其享之，則是俯伏匍匐而就食也。由是觀之，則孔子廟自唐設塑像以來已如此。歷宋至元，未之有改。至是聖祖始正之云。

洪武七年二月丁酉朔，日食。丁未，祀孔子。

洪武十五年，太學成。孔子以下，去塑像，設木主，遣官以太牢祭。高皇帝遂視學釋菜，服皮弁，詣位再拜獻。

爵復再拜。按太祖皮弁服行釋菜禮。正合龍禮皮弁祭菜之義。

洪武十七年，敕每月朔望，太學祭酒以下，行釋菜禮。郡縣學長吏以下，詣學行香。按朔望行香之禮，古未有也。北齊每月朔，縣酒博士詣牛厨下，郡縣朔，是時未焚香，今所謂香也。至宋淳化四年，始朔望焚香。朱嘉曰：謂宣聖廟焚香，不是古禮。至我朝，始定爲令。朔望謁奠之禮，獨燕內矣。

洪武二十六年，頒大成樂於天下府學，令州縣如式製造。

洪武二十九年，罷楊雄文廟從祀。

建文元年，帝祀孔子，幸太學。

永樂四年三月，太宗皇帝謁孔子，視太學。按太宗將視學，命禮部詳議禮儀，尙書鄭賜言：宋制謁孔子，服靴袍再拜。上曰：見先師禮不可簡，必服皮弁，行四拜禮。

永樂十四年，遣官祭闕里。

宣德元年，宣宗皇帝登極，遣太常寺寺丞孔克準詣闕里祭告。自先師而下，四配十哲兩廡凡九壇，俱用太牢。

正統元年，英宗皇帝登極，遣國子監司業趙琬詣闕里祭告。

正統二年，以宋胡安國、蔡沉、真德秀從祀孔子廟庭。

正統三年，禁祀孔子於釋老宮，令祭物非所產者以所產代。

正統八年，追封元儒吳澄爲公，從祀孔子廟庭。

正統九年，帝幸太學，釋奠孔子。

景泰元年，景皇帝登極，遣翰林院侍講吳節以香帛詣闕里祭告。